



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Pierii Valeriani Bellunensis Hieroglyphica, Sive De Sacris Ægyptiorum Aliarumque Gentium Literis, Commentariorum Libri LVIII

Valeriano, Pierio

[Lipsiae] ; Francofurti Ad Moenum, 1678

Euridice. Appetitus.

urn:nbn:de:hbz:466:1-14259

P A S I P H A E. ANIMA CUM AEREO VEHICULO. CAP. XLIV

Pasiphae Solis filia & Minois Cretae regis uxor. quam in vaccam transmutatam ex Tauro Minotaurum peperisse ferunt, qui media ex parte homo erat, reliqua Taurus, animam significat cum suo aethereo vehiculo, quo illam corpori coniungi Platonici tradidere. Ajunt enim animas nostras in beatis illis sedibus & caelesti regione aethereum igneumve quoddam vehiculum, quo deferantur & moveantur, habere, cum nihil quod sit expers corporis moveri possit: quod & David vates comprobare videtur, cum canit. *Qui facit Angelos suos spiritus, & ministros suos flammam urentem.* Addunt deinde Platonici illas, quamvis hoc igneum vehiculum habeant, tamen corpori, hoc est, terreo vehiculo, ob ignis subtilitatem & terrae crassitudinem, nisi aliquo intercedente medio, quod utriusque naturae sit particeps, jungi non posse, ideoque illam dum per caelestes orbis & elementa descendens, transit, paulatim crassiore se quasi veste induere, aereumque sibi vehiculum comparare, quod facile terreo huic corpori copuletur. Id autem facit corporis induendi cupiditate, ut iidem ajunt accensam: Taurus enim corpus significat, Vacca ficta aereum vehiculum. Pasiphae ipsam animam ex qua copula oritur Minotaurus, id est, homo ex anima & corpore conflatus.

Platonico- rum de animabus opinio. Hinc forsitan dicta, quia praeter ceteris omnibus, appareat iucundatque.

P A N D O R A. CAP. XLV.

Pandora mulier pyxidem in manu habens apertam, adversam fortunam, generis obscuritatem, infelicitatem, paupertatem, infamiam, aegritudinem, spei frustrationem, humanae sortis miseriam nobis adumbrat: nam cum haec virtutes omnes in pyxide inclusas teneret, eam, ut quid intus esset videret, aperiens, omnes elabi passa est, malis retentis, & spe sola, quae vasculi labro adhaesit, ut narrat Hesiodus: eam enim a Vulcano factam, & ab omnibus diis muneribus, quae pyxidi illi incluserant, ornatum, postquam Epimetheo conjugem datam tradidit.

Hesiodus in Theogonia.

E U R I D I C E. APPETITUS. CAP. XLVI.

Eurydice, quam in pede mordit serpens, appetitum hominis significat, quam animi affectus exulcerant, pedes enim ac praesertim calcaneum, cupiditatum hieroglyphicum sunt. unde Servator discipulorum suorum pedes lavare voluit, ut eos ab affectibus terrenis mundos redderet, Joan. 13. Et Petro nolenti ut se lavaret, dixit, *Nisi laveris, non habebis partem meam.* Et in Genesi dixit Deus Serpenti, *Insidiaberis calcaneo ejus.* nec solum hoc in Sacris literis, verum etiam in Graecorum fabulis legimus, Achillem, propterea quod puer Stygis aquis fuisset immersum, nulla in parte vulnerari potuisse, praeterquam in pedibus, qui abluti non fuerant, ut indicarent eum fortem fuisse, nisi affectibus vinceretur propriis. Neque abhorret ab hoc sensu quod tradunt, Iasonem aureum vellus petentem, unum calcem in flumine, quod solum in toto terrarum orbe nulli venio est obnoxium, amisisse: hoc est, dum virtutem sectatur, & immortalitatem aliqua affectuum parte exutum fuisse: & Virgilius, Didonem morituram unum calcem exuisse, scribit his verbis:



Hinc forsitan à lato pœna subeunda ei nomen, ob concupiscentiam. Per pedes ablutos quod significatur & in divinis & in profanis.

*Ipsa mola, manibusque piis, altaria juxta*

Bbbbb

Aene. lib. 4.

Fnum

Unum exuta pedem, vinculis in veste recincta

Testatur mortuura duos, &amp; conscia suis

Sidera --

hoc est, uno affectu, nempe mortis formidine exutam, quæ Didonis figurâ repentinum summorum consilium significat.

C Y B E L E.  
AGRICULTURA, VEL, VICTORIA POPULORUM.  
CAP. XLVII.

*Vide Plin. lib. 43. ibi. Terra. Cybeles simulacrum & eius interpretatio. Vide Pier. lib. 1. ibi. Super igne. Misticus.*

**C**Ybeles turritam coronam habentis simulacrum, tellurem indicat, & urbes quas illa sustinet domitas, vel victoriam de agricolis seditiosis partam, vel tellurem agricultura domandam, & eam quæ habitatur fertiliorem esse ea quæ minus incolitur. Ubi enim hominum frequentia, ibi artes & industria valent. Quod verò curru eius Leones adjungere, ut in antiquis marmoribus nuncupantibusq; videre licet, id significat nullam esse terram adeo sterilem & asperam, quæ labore & industria fertilitas reddi non possit, vel illam vim gignendi à Sole capere, cum Leo sit anima Phœbæ & natura. Hanc ipsam si non in curru, sed humi sedentem vel stantem cum circino pinxeris, Geometrix, si cum quadrato, Geographiæ, si cum ligone vel Taurum prope se habentem, Agriculturæ simulacrum habebis.

T R E S C H A R I T E S. CAP. XLVIII.

*Hes. in Theogonia. Quid per simulacrum trii Charitum, ex Seneca, vel Aglaia. Dydain.*

**T**res Charites sorores fuisse traduntur. Pingebantur autem juvenes virgines, ridentes, manibus implexis, soluta ac perlucida veste: quarum natu maxima, Hesiado autore, Egle vocatur, media Euphrosyne, tertia Tholia. Quid autem hæc omnia significarent, pulere docet Seneca de beneficiis libr. primo in hunc modum: *Quare, inquit, tres Gratia, & quare sorores sunt, & quare manibus implexis, quare ridentes, quare juvenes, & quare virgines, soluta ac perlucida veste? Alii quidem videri volunt unam esse, quæ det beneficiū, alteram quæ accipiat, tertiam quæ reddat. Alii tria beneficiorum genera, promerentium, reddentium, simul & accipientium reddentiumq; Sed utrumlibet existis judica verū. Quid ista nos juvat scientia? Quid ille conferens manibus in se redeuntium chorus? Ob hoc, quia ordo beneficii per manum transeuntis, nihilominus ad dantem revertitur, & totius speciem perdit, si usquam interruptus est: pulcherrimus, si coheret, & vices servat. Idcirco dicitur, quia promerentium vultus hilaris sunt, quales solent esse qui dant, & qui accipiunt beneficia. Invenio, quia non debet beneficiorum memoria senescere. Virgines, quia incorrupta sunt, & sancta, in quibus nihil esse alligati decet, nec astricti. Soluta vestes, quia beneficia conspici volunt. Hæc Seneca. Nos autem etiam illud minime silentio prætereundū censemus, quod una faciem avertere & occultare fingitur: ut indicet, eum qui minus dat, id clam facere debere, juxta Servatoris dictum: Cum facis elemosinam, noli tuba canere ante te. Et alio in loco: Ne scias sinistratua, quid faciat dextera. Altera Charis faciem apertam ostentat, quia ejus qui beneficiū accipit, est id ostentare & prædicare: tertia partem faciei ostendit, & partem occultat, significans beneficium contributionem eclandam esse, ostentandumq; ipsum beneficium.*

*Milarem dantorem diligit Dominus.*

*2. Cor. 6.*

